



Broj: 12-30-2-3519-1/22

Sarajevo, 2. 12. 2022. godine

Na osnovu člana 21. stav 1. i člana 32. Zakona o reviziji institucija u Federaciji Bosne i Hercegovine („Službene novine Federacije BiH“, broj 22/06), člana 10. i člana 37. Pravilnika o radu u Uredu za reviziju institucija u Federaciji Bosne i Hercegovine, broj: 09-02-1213-4/16 od 24. 5. 2017. godine – prečišćeni tekst i Odluke o raspisivanju konkursa za prijem pripravnika broj: 12-30-2-3519/22 od 2. 12. 2022. godine, raspisuje se

KONKURS

za prijem pripravnika u Ured za reviziju institucija u Federaciji Bosne i Hercegovine

PRIpravNIK, diplomirani ekonomista (VSS – VII stepen) ili sa završenim ekonomskim fakultetom po Bolonjskom sistemu studiranja sa ostvarenih najmanje 240 ECTS bodova – tri (3) izvršioca, od čega dva izvršioca sa mjestom rada u Sarajevu i jedan izvršilac sa mjestom rada u Tuzli.

OPIS POSLOVA: Pripravnik će poslove iz svoje struke obavljati na određeno vrijeme, a najduže godinu dana, s ciljem stručnog osposobljavanja za samostalan rad i sticanja potrebnog radnog iskustva za polaganje stručnog ispita za službenike organa uprave i službi za upravu/ispita općeg znanja/javnog ispita.

I USLOVI ZA PRIJEM

Za prijem u radni odnos kandidat za pripravnika mora ispunjavati opće i posebne uslove.

II OPĆI USLOVI

Kandidat treba ispunjavati opće uslove, predviđene članom 33. Zakona o reviziji institucija u Federaciji Bosne i Hercegovine („Službene novine Federacije BiH“, br. 22/06), i to:

- a. da je državljanin Bosne i Hercegovine;
- b. da je stariji od 18 godina;
- c. da ima odgovarajuće obrazovne i stručne kvalifikacije;
- d. da je zdravstveno sposoban (za obavljanje poslova radnog mjesta na koje se prijavljuje);
- e. da se protiv njega ne vodi krivični postupak, niti da je pravomoćno osuđen na kaznu zatvora za krivična djela, sa izuzetkom krivičnih djela protiv sigurnosti u saobraćaju, u skladu sa Krivičnim zakonom.

III POSEBNI USLOVI

Kandidat treba ispunjavati posebne uslove, i to:

- završen ekonomski fakultet – diplomirani ekonomista (VSS – VII stepen) ili završen ekonomski fakultet po Bolonjskom sistemu studiranja sa ostvarenih najmanje 240 ECTS bodova,
- nepostojanje radnog iskustva u trajanju od jedne godine ili više, nakon diplomiranja na ekonomskom fakultetu.

IV POTREBNI DOKUMENTI

Kandidati za pripravnika dužni su prijavu na Konkurs dostaviti na uredno popunjenom i svojeručno potpisanom prijavnom obrascu Ureda za reviziju institucija u Federaciji BiH (prijavni obrazac za pripravnika) koji se može dobiti u prostorijama Ureda za reviziju institucija u Federaciji BiH ili na web-stranici www.vrifbih.ba, te dostaviti originale ili ovjerene kopije sljedećih dokumenata o ispunjavanju općih i posebnih uslova:

- uvjerenje o državljanstvu BiH (ne starije od šest mjeseci);
 - izvod iz matične knjige rođenih;
 - ljekarsko uvjerenje o zdravstvenoj sposobnosti (Ljekarsko uvjerenje o zdravstvenoj sposobnosti dostavljaju samo kandidati koji budu izabrani odlukom generalnog revizora. Izabrani kandidati uvjerenje o zdravstvenoj sposobnosti dostavljaju po okončanju konkursne procedure, a prije stupanja na rad);
 - uvjerenje da se protiv kandidata ne vodi krivični postupak, izdato od nadležnog suda (ne starije od tri mjeseca; dostavljaju samo kandidati koji budu izabrani odlukom generalnog revizora. Uvjerenje kandidati dostavljaju po okončanju konkursne procedure, a prije stupanja na rad);
 - uvjerenje da kandidat nije pravomoćno osuđen na kaznu zatvora za krivična djela, sa izuzetkom krivičnih djela protiv sigurnosti u saobraćaju, u skladu sa Krivičnim zakonom, izdato od nadležnog ministarstva unutrašnjih poslova (ne starije od tri mjeseca; dostavljaju samo kandidati koji budu izabrani odlukom generalnog revizora. Uvjerenje kandidati dostavljaju po okončanju konkursne procedure, a prije stupanja na rad);
 - diplomu (original ili ovjerena fotokopija) ili uvjerenje o diplomiranju izdato od visokoškolske ustanove, ne starije od jedne godine od dana diplomiranja (original ili ovjerena fotokopija), a u slučaju da fakultet nije završen u Bosni i Hercegovini, strana diploma mora biti nostrificirana (dokaz o nostrifikaciji – original ili ovjerena fotokopija); uz univerzitetsku diplomu priložiti i dodatak diplomi. Izuzetno, samo u slučaju da visokoškolska ustanova dodatak diplomi nije izdavala niti za jednog diplomca, kandidat je dužan uz ovjerenu kopiju univerzitetske diplome dostaviti uvjerenje visokoškolske ustanove da dodatak diplomi nije izdat ni za jednog diplomca;
- Napomena:** Kandidati koji imaju završen prvi ciklus studija, koji se vrednuje sa 180 ECTS bodova, dužni su dostaviti diplomu o završenom prvom ciklusu studija i dodatak diplomi, i diplomu o završenom drugom ciklusu studija koji se vrednuje sa 120 ECTS bodova i dodatak diplomi;
- dokaz o nepostojanju radnog iskustva, kojim kandidat dokazuje da nema godinu ili više radnog iskustva nakon diplomiranja, što se dokazuje Uvjerenjem iz PIO/MIO uz dešifraciju školske spreme i zanimanja ili potvrdom – Uvjerenjem iz PIO/MIO da nije registrovan u matičnoj evidenciji.

V NAPOMENE

Proces izbora pripravnika po raspisanom konkursu provodi komisija za izbor pripravnika u skladu sa Zakonom o reviziji institucija u Federaciji Bosne i Hercegovine i internim aktima Ureda za reviziju institucija u Federaciji Bosne i Hercegovine.

Kandidati koji ispunjavaju uslove raspisanog konkursa i čije prijave su kompletne i blagovremene bit će pozvani na intervju (usmeni razgovor) koji provodi komisija za izbor pripravnika.

Radni odnos zasniva se na određeno vrijeme, a najduže na godinu dana.

Izabrani kandidati pozvat će se da u primjerenom roku, a prije zasnivanja radnog odnosa u Uredu za reviziju, dostave uvjerenje o zdravstvenoj sposobnosti za obavljanje poslova radnog mjesta, uvjerenje da se protiv kandidata ne vodi krivični postupak i uvjerenje da nisu pravomoćno osuđeni na kaznu zatvora za krivična djela, sa izuzetkom krivičnih djela protiv sigurnosti u saobraćaju, u skladu sa Krivičnim zakonom, izdato od nadležnog ministarstva unutrašnjih poslova. O rezultatima Konkursa kandidati će biti obavješteni dostavom odluke o izboru i prijemu izabranog kandidata u Ured za reviziju. Ako se na Konkurs ne prijave osobe koje ispunjavaju propisane i objavljene uslove iz Konkursa, ili iz nekih drugih opravdanih razloga, generalni revizor može obustaviti postupak izbora po ovom Konkursu.

Sažetak Konkursa objavljuje se u dnevnim novinama „Dnevni avaz“, „Oslobođenje“ i „Večernji list“, a cjeloviti tekst Konkursa objavljuje se na web-stranici Ureda za reviziju institucija u Federaciji BiH: www.vrifbih.ba.

Na koverti sa prijavom obavezno naznačiti: „Prijava na Konkurs za prijem pripravnika – ne otvarati“. Na poleđini koverta navesti ime i prezime podnosioca, adresu i kontakt-telefon. Nepotpune, neuredne i neblagovremene prijave neće se razmatrati.

Prijavu na ovaj Konkurs, sa svim potrebnim dokumentima, treba dostaviti najkasnije u roku od 15 dana od dana posljednje objave Konkursa, lično ili preporučenom poštom, na adresu:

Ured za reviziju institucija u Federaciji Bosne i Hercegovine

Ul. Ložionička br. 3

71 000 Sarajevo